

Kalenjin - Sirutik - Healing Scriptures

Matayo 4:23,24 Noto anyun ngigoite kagochineng'ung' eng' kaptisisiet, ak ibwat eng' oloto ile, ting'enen ne otupche ng'olyot, 24 ibagakte eng' oloto kagochineng'ung' eng' taitab kaptisisio ak iwe anyun, ochamnyege korok ak ne otupche, si inyo igoite kagochineng'ung'.

Matayo 8:16,17 Ak ye kimachei koimen, komutyi ichek che chang' che tinyei oik: ak koon tamirmirik eng' ng'olyot, ak kosoob tugul che kimiandos: 17 si kobiit kosulda ne kiga mwa maotiot Isaia, kole, Kinam inendet nyalulnatennyo ak koib mainwekyok.

Matayo 9:35 Ak kiwendote Jesu nganasok tugul, che eechen ak che mengechen, konetisioti eng' sunagogisiekwak, ak koamdaati logoiywek che miach che bo bounatet, ak kosobooti che miandos eng' koroito age tugul, ak eng' nyalulnatet age tugul.

Matayo 10:1 Ak kiguur alamalyennyi taman ak aeng' kobwanji inendet, ak kogochi kimnatet si koon tamirmirik che muruonen, ak kosoob che miandos eng' koroito age tugul ak eng' nyalulnatet age tugul. (Mariko 3:14,15)

Matayo 10:8 Osoob che miandos, ong'eet che kigobek, otilil che tinyei mogondosik, oon oik: kaonyoru buch, ogoite buch.

Matayo 11:5 keertoi che koriotin, ak kobendoti che solomonik, kitilili che amei mogondosik, ak kastoi che ming'otin, ak king'eeti che kigobek, ak keamjin kibananok logoiywek che miach. (Isaia 35:5)

Matayo 12:15 Ak kingonai Jesu, kwo eng' oloto: ak kiisub inendet che chang'; ak kiisoob ichek tugul,

Matayo 15:30 Ak kibwanji inendet tuiyosiek che eechen, komutu solomonik, ak che koriotin, che namotin kut, che bo mugungon; ak alak che chang', ak konde ole bo kelyekyik; ak kiisoob ichek:

Matayo 17:20 Ak kilenji, Amu kayaneng'wong' ne ming'in : amu amwawok iman ale, Ndotinye kayanet ne te keswotab karadali, ta ngomwachi tulwoni olenji, Inakte ui olin; konaktoi; ta mami kiy ne maimugaksei eng' okwek.

Mariko 1:34 Ak kiisoob che chang' che kimiandos eng' mianwek che terotin, ak koon oik che chang' komanda; ak kima chamji oik kong'alal, amu kiingen oichoto inendet.

Mariko 3:10 si machiil inendet: ro amu kiga kosoob che chang'; kot koriich inendet tugul che kitinyei korotwek che yaachen, si kobiit kotwa inendet.

Mariko 6:5,6 Ak kimata komuch koyai boisiet age tugul ne kim eng' oloto, kobate bik che ng'ering' che kimiandos che kigonoor eunekyik, ak kiisoob ichek. 6 Ak kikwong' inendet amu bistoenywa. Ak kiwendote

nganasok konetisioti.

Mariko 6:13 Ak kion oik che chang', ak koile mwaita che chang' che kimandos, ak kosoob ichek.

Mariko 6:55,56 ak koruaat eng' koronoto komugul, ak kotoi komut che miandos eng' itogusiekwak, koba ole kiga kasyi inendet. 56 Ak oldo tugul ole kimong'ji, nganasok che mengechen, anan che eechen, anan emet, kiinde che miandos oldab sirosiek, ak kisaisai inendet kole tamangab kocham kotwa agot tabandab ngoriennyi: ak kisopcho tugul che kitwa inendet.

Mariko 8:23-25 Ak kinam eutab kipkoratiandanato, ak komut komandae nganaset; ak ye kingo kagong'utyi konyekyik, ak kogonoor eunekyik inendet, koteebe kole, lgeere kiy? 24 Ak kiinyal barak, ak kole, Ageere bik; amu ageere ichek ko u ketik, kobendi. 25 Yeityo kotwae eunekyik kogeny konyekyik; ak kiichiil konyek, ak kisob, ak kogeer tuguk tugul komie.

Mariko 9:29 Ak kilenji ichek, Maimuchi kornanda ne u ni eng' kiy tugul, kobate saet.

Mariko 16:17,18 Ak isubi kaborunoichu ichek che iyani: onei oik eng' kainennyu; ak kong'alali ng'alalet ne leel; 18 namei erenok, ak ngo ee tuguk che barei bich, ko manyoru ng'wanindo matiny; igonoori eunekwak bik che miandos ak kosopcho.

Luka 4:18 Mi Tamirmirietab Kiptaiyat kobota, Amu kiila si kobiit aamji kibananok logoiywek che miach: Kiiyokwa si kobiit aamji luulenik katiaget, Asi kobiit kogeerto kipkoratinik, Ak atiach che kigiguoten.

Luka 4:40 Ak ye Id negit kororokta asista, komutyi bik tugul bikwak che kimandos eng' korotwek che terotin: ak kiigonoor eunekyik age tugul eng' ichek, ak kosoob.

Luka 5:15 Ak kitesak mising' koiyesta logoiywekyik: ak kiiyumgei tuiyosiek che chang' kobwa si kogas ng'alekyik ak kisoob eng' mianwekvvak.

Luka 5:17-25 Ak kiinetisieie eng' betut age eng' betusiechoto; ak kimi Parisaik ak konetik che bo ng'atutik kotebyei eng' oloto, che kibunu nganaset age tugul ne bo Galili ak ne bo Judea ak ne bo Jerusalem: ak kimi kamuktaetab Kiptaiyat koboto inendet kosoobe bik. 18 Ak ogeero, kilau bik chito eng' itogut ne ki meat borto: ak kicheng' oret ne imute kwo go, ak konde inendet tainnyi. 19 Ak ye kimata konyor ole imute kwo go amu chang'indab bik, kolany got barak, ak kochoortae inendet itogunnyi kobun ole kigisieb, agoi kwenut eng' taitab Jesu. 20 Ak kingogeer Jesu kayanenywa, kolenji, Chichi, kagenyoun kaat tengekwogiguk. 21 Ak kitoi sirik ak Parisaik kobwat agobo ng'olyondonoto kole, Ng'o nito mwaei ng'alechu yaachen? Ng'o ne imuchi konyochi chi kaat tengekwogik kobate Jehovah inegei? 22 Ago ye kingonai Jesu anyun

kabwatutikwak, kowolji kolenji, Obwati nee eng' mugulelwewok? 23 Nee ne nyamnyum, ngele, Kaginyoun kaat tengekwogiguk; anan ngele, Ng'eet ak iwendote? 24 Ago si kobiit onai ole tinyei kimnatet Weritab chi eng' ng'ony konyochi kaat bik tengekwogik (kolenji chito ne ki meat borto), Amwaun ale, Ng'eet, ib itogung'ung' ak iwe gong'ung'. 25 Ak king'eet ngunoto anyun eng' tainywa, ak kiib kit ne karue, ak kwo gonnyi, kolosunoti Jehovah.

Luka 6:17-19 ak kichortagei koboto icheget, ak kotonone ye ribrib, koboto tuiyet ne o ne bo alamalyennyi, ak bik che chang' che kibunu Judea komugul ak Jerusalem, ak ngegutab nyanjet ole bo komostab Turo ak Sidon, che kibwanei kogasei inendet, ak kisoob eng' mianwekwak; 18 ak kigisoob icheget che kiinyalili tamirmirik che muruonen. 19 Ak kicheng' tuiyet komugul kotwa inendet : amu kibunu inendet kamu-ktaet, ak kosoob ichek tugul.

Luka 7:21,22 Eng' sainato kosoob che chang' che kitinyei mianwek ak korotwek ak tamirmirik che yaachen; ak kiigochi kipkoratinik che chang' kogeerto. 22 Kowolji kolenji, Oba omwachi Johana tuguk che kaogeer ak che kaogas; Idgochin kipkoratinik kogeerto, ak bendoti che koing'waldos, kitilili che tinyei mogondosik, ak kastoi che ming'otin, king'eeti che kigobek, kiamjin kibananok logoiywek che miach.

Luka 8:2 ak kobogorisiek alak che kiga kosoob eng' tamirmirik che yaachen ak mianwek, Maria ne kiguure Magdalene, ne kimandae oik tisabu,

Luka 9:2 Ak kiiyokto koamda bounatetab Jehovah, ak kosoob che miandos.

Luka 9:11 Ago kingonai tuiyosiek kosub: ak kitaach icheget, ak kong'alalji agobo bounatetab Jehovah, ak kiisoob ichek che kimachei kisoob.

Luka 13:12 Ak kingogeer Jesu inendet, koguur ak kolenji, Kobogoriondoni, kagitiachin eng' nyaluleng'ung'.

Luka 13:32 Ak kilenji ichek, Oba omwachi lelwandonoto, olenji, Keero, aone oik ak asoobi bik rani ak mutai, ak eng' betutab somok abegechi.

Johana 5:8,14 Kolenji Jesu anyun, Ng'eet, ib itogung'ung', ak iwe. 14 Kingobata noto konyorji Jesu inendet hekalut, ak kolenji, Keero, kagisoobin: amatata iyai tengek, si manyonjin kit age ne ya ne siirei ni.

Johana 14:12 Amwawok, iman, iman, ale, Inendet ne iyana, koyaei agine boisionik che ayae; ak koyaei boisionik che eech eng' chuto; amu awendi ole mi Kwanda.

Boisionik - Boisionikab Che Kiyoktio 3:6 Ago kile Petero, Matinye feda ak tahabu; ago agonin ne atinye. Ng'eet eng' kainetab Jesu Kristo ne bo Nasaret, ak iwendote.

Boisionik - Boisionikab Che Kiyoktio 5:15,16 kot komut ichek che miandos

koba ortinwek, ak komogonji itogusiek ak kiplusisiek, kole, tamangab kokwer uruetab Petero alak eng' ichek, kosiirtoi. 16 Ak kiiyomogei tuiyet ne bunu nganasok che negite Jerusalem, komutu che miandos, koboto che kiinyalili tamirmirik che muruonen: ak kigisoob age tugul eng' ichek.

Boisionik - Boisionikab Che Kiyoktio 10:38 ko u ye kiil Jehovah Jesu ne bo Nasaret, eng' Tamirmiriet ne Tilil ak eng' kamuktaet: ne kiwendot ak koyaei ne mie, ak kosoobi tugul che kiinyalili oindet ; amu kimi Jehovah koboto inendet.

Boisionik - Boisionikab Che Kiyoktio 19:11,12 Ak kiyai Jehovah boisionikab kimnatet che ter eng' eunekab Paulo: 12 kot keipchi che miandos kitambaok ak angok che kiga kotiiny bortanyi, ak kiistogei mianwek eng' bichoto, ak kimanda tamirmirik che yaachen eng' ichek.

Romanik 8:26 Ak toreti ko u noto agine Tamirmiriet nyalulenny ; amu magingen kesa ko u ye nyolu; ago saiwech Tamirmiriet inendet eng' tigenoik che magimuchi kemwa;

1 Korintoek 12:9 kigochin age kayanet, eng' Tamirmirionoto; ak kigochin age konunoikab kasoobet, eng' Tamirmirionoto agenge;

1 Korintoek 12:28 Ak kigonde Jehovah alak eng' kaniset, che bo tai ko che kiyoktoi, che bo aeng' ko maotik, che bo somok ko konetik, yeityo ko kwong'utik, yeityo ko konunoikab kasoobet, toretosiek, kandoinatosiek, ak kutuswek che terotin.

Pilipik 2:27 amu kimian iman, kot ko negit kome: ago kirire Jehovah inendet; ago ma eng' inendet kityo, ago eng' ane agane, si manyoru arogenet eng' arogenet.

Jakobo 5:14 Mitei ne miani eng' kwenung'wong'? Ingoguur boisiekab kaniset; ak kosa ichek agobo inendet, koile mwaita eng' kainetab Kiptaiyat:

1 Petero 2:24 inendet ne kiib tengekwogikyok eng' bortanyi eng' ketit barak, si kesopche eng' imanda; achek che kiga kebekyi tengekwogik; kigisoobenok birutikyik. (Isaia 53:5)

3 Johana 1:2 Chamanani, asae ale iberuroge komie eng' tuguk tugul ak itepte chametab ge, ko u ye iberurot sobondang'ung'.

Exodus 15:26; Ne Kibwate Ng'atutik 7:15 not get diseases of Egypt.

Isaia 58:8 Jehovah heal speedy.

Jeremia 30:17; Jeremia 33:6 Jehovah heals